

art 2. sic ait: Si per halchemiam fieret aurum verū, non esset illicitum ipsum pro vero vendere: quia nihil prohibet, artem uti aliquibus causis naturalibus ad producendos naturales & veros effectus, sicut etiam Divus Augustinus dicit lib. de Civitate Dei. Sunt & alia testimonia plurima, sed cum nulla citas in contrarium, hæc enarrasse sufficiat.

*Tricesimum sextum Argumentum.*

XXXV

Formæ rerum non sunt separabiles, sed in materiam tantū propriam agunt, non in aliam.

At formæ lapidis Philosophici & metallorum sunt separabiles. Ergo,

Forma lapidis non aget in materiam metallorum.

*Responsio.*

Idem argumentum quod decimum quintum & vicesimū nonum. Idcirco huic idem quod illis respondendū est. Qualitates enim quæ sunt in mistis corporibus diversarum specierum, si contrariæ sint, pugnant, & agunt & patiuntur invicem seseq; ad moderationem redigunt, fitque unum corpus unius formæ, prioribus exinanitis.

Ex pugnis contrariarum qualitatū novā mixtio & novā forma oritur.

*Tricesimum septimum Argumentum.*

XXXVI

Individuum unius speciei non potest transmutari in Individuum alterius speciei, ejusdem generis proximi.

Atqui stannum, plumbum, æs, & ferrum sunt sub eodē genere, scilicet metalli. Ergo,

Aliud non potest transire in Individuum aliud.

*Responsio.*

Repetitum est hoc argumentum. Est enim secundum ex ordine superius cōstituto. Itaq; huic, ut illi, est respondendū.

*Tricesimum octavum Argumentum.*

XXXVII

Chemici dicunt, metalla debere resolvi in materiā eorum primam, si in argentum aut aurum ea mutari oporteat. At hoc fieri non potest. Ergo, In argentum aut aurum transmutari non possunt.

*Responsio.*

Periti Argyropœiæ & Chrysopeiæ de resolutione in primā materiā differentes intellexerunt de materia argēto & auro proxima, quæ est argentum vivum, ut jam sæpe dictū est, non de materia ex qua in mineris terræ mista sunt.

*Tricesimum nonum Argumentum.*

XXXVIII

Quæ artes quotidie experimentis esse probatur, veræ sunt, ut Medicina, Ars fusoria & cæteræ.

At Ars Chemica nusquam experientia aliqua probata est. Ergo.